



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 20. Europæi scriptum Sinicum signare jussi.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII. Sinæ comitabantur, pariter usque ad  
A. C. 1721. Ejusdem reditum ibidem relinqui vo-  
 luit.

## §. XX.

*Europæi scriptum Sinicum subscribere jussi.*

Absoluto hoc colloquio, & Legato ad suam domum reverso Mandarinus Chao cum aliis præfatum libellum Sinicum attulit, ac Imperatoris nomine omnibus Europæis jam dudum in Aula degentibus præcepit, ut sua apponerent nomina. Ceteris prior P. Josephus Suarez Jesuitarum Lusitanorum Superior ita subscripsit: *Hæc sunt mandata Imperatoris Tartarico - Sinici, & responsa Illustrissimi Patriarchæ Alexandrini Legati Pontificii, & beneficia a sua Majestate collata suæ Dominationi Illustrissimæ, de mandato Imperatoris subscripsimus. Joseph Suarez Soc. Jesu:* postea ceteri omnes Jesuitæ subscripsere, qui etiam præprimis Missionarium Ripam ad id inducere moliebantur: cum autem hic, ceterique, quæ in hoc scripto continebantur, ignorarent, notumque essent, quod Jesuitæ, qui illud latine reddiderant, pro suo arbitrio quædam addiderint, alia deleverint (\*) hinc incal-  
 sum

(\*) Id postea manifeste patuit ex styli & Phrasium diversitate, necnon ex hiulco sermonis contextu.



fum adhibitis Mandarinorum & Jesuitarum sollicitationibus, ac ipsius *Chao* minis, subscribere diu recusabat: tandem vero, ne Legato ac Missioni damnum inferrent, subscribere, præmissa declaratione, quod nequaquam in veritatis fidem, sed duntaxat Imperatoris indignationem, indeque timendam Missionis ruinam præcavendi consilio suum nomen apponerent: lisdem ex causis Pedrinus postea sollicitatus subscribere renuit, & nequidem suadente Legato, declaratione, qua suæ subscriptionis fidem Ripa enervavit, uti voluit, eoquod non modo ipse colloquiis inter Legatum & Mandarinos non interfuisset, sed etiam quod hoc scriptum fallitibus turgidum esse nosset: Hanc oppositionem edoctus Imperator, Pedrinum multis plagis multari, ex Aula raptari, gravibusque catenis vinciri, ac demum in carcerem conjici jussit. Incassum pro eo deprecabantur Legatus, Missionarii, & ex ipsis Jesuitis nonnulli; tanta tamen erat Imperatoris indignatio, ut edictum contra Pedrinum per Eunuchum promulgari, illudque ab ipso Pedrinio latine reddi juberet, hujus tenoris: *Pedrinus est nebulo infimæ sortis, heri noluit subscribere nomen suum, valde violavit Leges Sinicas, quotiescunque esset coram me, & diceret*

Sæc XVIII.  
A. C. 1721,



Sæc. XVIII. A. C. 1721 *aliquid, quod spectaret ad Negotia sua personalia, nolebat loqui, sed injiciebat oculos in alios, ut interpretarentur. Hujusmodi malitiosi homines pauci sunt in Sinis. Ex hoc modo agendi vereor, ne mittant nuntia, hoc esset aliud punctum adjudicandi suspiciones summo Pontifici, ita ut non possit discernere inter verum & falsum. Ego jam perseceram Negotia D. Maigrot in honorem Legati, nunc vero repeto D. Maigrot, ut illum puniam, & hujusmodi homines, quia violaverunt Leges Sinicas, ut video lex christiana non potest exerceri in Sinis: melius erit, si non exerceatur, quia nulla amplius erunt negotia, nec contentiones; nec est alius melior modus.*

Hoc ipsum edictum a Pedrinio subscriptum Imperator Legato tradidit, ut illud Romam deferret, & omnibus, qui ab ipso læsi fuissent, exhiberet, in gratiam autem Legati veniam Maigroto dedit, nec eum in Sinas sibi mitti ultra petiit. Denique Legato honorifice dimisso Pedrinus catenis onustus Peckinum ad publicos carceres, in quibus capitali sententia damnandi detinebantur, raptatus est.

## §. XXI.

*Ultimum colloquium Imperatoris cum Legato Apostolico.*

Cum